




Don Sirride wie der erzogen wart.

II. Auenture.

Do whs in Niderlanden, einf edeln kuniges chint.
 des vater der hiez Sigemont, sin moter Sigelint.
 in einer richen burge, witen wol bechant.
 nidene bi dem Rine, diu was ze Santen genant.



Sifrit was geheizen. der snelle degen goot.
er versuchte vil der riche. durch ellenthastigen moot.
durch fines libes sterche. soochter fremidiv lant.
hen was er sneller degene. sit ze Buregonden vant.

E' das der degen chvne. vol whse zeman.
do het er solhiv wnder. mit finer hant getan.
da von man immer mere. mac singen vnt sagen.
des wir indisen stunden. muzen vil von im gedagen.


Insinen besten ziten. bi sinen iungen tagen.
man mohte michel wnder. von Sifriden sagen.
was eren an im whse. vnt wie schone was sin lip.
des heten in zeminne. div vil wetlichen wip.

Man zoh in mit dem vlize. als im daz wol gezam.
von sin selbes togenden. was zoh er an sich nam.
des wrden sit gezieret. fines vater lant.
daz man in zallen dingen. so rehte herlichen vant.

Vil selten ane hvote. man riten lie das kint.
in hiez mit wäte zieren. sin moter Syngelint.
sin pflagen ovch die wifen. den ere was bekant.
des moht er wol gewinnen. beidiv lvot vnt lant.

Nu was er in der sterche. daz er wol waffen trooch.
swes er da zo bedorfte. des lag an im genvoch.
do begunder sinnen. werben schoniv wip.
die tvvoten wol mit eren. den sinen wetlichen lip.

Do hiez sin vater Sigemont. chunden sinen man.
er wolde hochgecite mit lieben frunden han.
div märe man do furte. in vrender kunige lant.
den gesten vnt den chunden. gap man roffe vnt ovch gewant.



Swā man vant deheinen. der ritter solde sin.
von art der sinen mage. diu edeln kindelin.
diu ladet man zu dem lande. durch die hochgecit.
mit samt dem iungen kunige. swert genamen si sit.

Von der hochgecite. man mohte wnder sagen.
Sigemont vnt Sigelint. die chunden wol beiagen.
mit gote michel ere. des teilte vil ir hant.
des sah man vil der fremden. zuin riten indaz lant.


Vier hundert swert degene. di solden tragen chleit.
mit dem iungen kunige. vil manic schoniu meit.
mit werche was vnuwzich. wande si in waren holt.
vil der edeln steine. di frowen leiten indaz golt.

Die si mit porten wolden. wrechen vf ir wat.
den stolzen swertdegenen. des enwas niht rat.
der wirt der hiez do sidelen. vil manigem chynen man.
zeinen sonewenden. da er die hochgecite wolde han.

Do gie zeinem munster. vil manic richer kneht.
vnt vil der edeln ritter. die wifen heten recht.
das si den tumben dienten. als in was e' getan.
si heten korzwile. vnt oveh vil maniger vrowden wan.

Got man zen eren. ein messe sanc.
do wart von den loten. vil michel der gedranch.
da si zeritter wreden. nach ritterlicher e'.
mit also grozzen eren. das wetlich immer me erge.

Si liefen da si funden. gesatelt manic march.
inhofe Sigemundes. der bohurt wart so starch.
das man erdiezen horte. palas vnt sal.
die hochgemvten degene. heten vrolichen scal.



Von wifen vnt von tumben. man horte manigen stoz.
daz der scheffte chrechen. gein dem luste doz.
trunzne sach man vliegen. fur den palas dan.
da sahen chyrzewile. beidiv wip vnt och die man.

Der chunich bat iz lasen. do zoch man dan div march.
man sach och da zebrochen. uil manige bukkel starch.
vil der edeln steine. geuellet vf daz graf.
an lichten schildes spangen. von horten daz geschehen was.


Do giengens wirtes geste. da man in sitzen riet.
vil der edeln spise. si von der woode schiet.
vnt win der aller beste. den man mit vollen trooch.
den vrenden vnt den kunden. bot man eren da genvoch.

Solcher kurzewile. si pflagen al den tac.
vil der varnden diete. rowe sich bewac.
si dienten nach der gabe. die man da riche vant.
des wart mit lobe gezieret. alles Sigemundes lant.

Der herre hiez do lihen. sinen sun den iungen man.
lant vnt purge. als er e het getan.
den sinen swert genozzen. gab do vil sine hant.
do liebt in do div reise. daz si chomen indaz lant.

Div hochgecite do werte. vnz an den sibenden tac.
Sigelint div riche. nach alten siten pflac.
durch ir kindes liebe. geben rotes golt.
si kundes wol gedienen. daz si ir sune warn holt.

Lutzel deheinen varnden. armen man da vant.
rosse vnt kleider. daz stvop in von der hant.
sam si zelebene heten. mer deheinen tac.
ich wene ie ingefinde. so grozzer mitte gepflac.



Mit lobelichen eren. schiet sich diu hochgecit.
von des landes herren. hort man wol sit.
das si den iungen wolden. zeime vogete han.
des enwolde in do niht volgen. Sifrit der wetlich man.

Sit das noch beide lebten. Sigemunt vnt Sigelint.
niht wolde tragen krone. noch ir liebes kint.
doch wolder wesen herre. fur allen den gewalt.
des in den landen vorhte. der degen kon vnt balt.

In dorfte niemen schelten. sit do er wafen genam.
ia gerowete vil selten. der reche lobesam.
svchte niwan striten. sin ellenthastiv hant.
tet in zallen siten. invremeden richen wol bekant.

